

福生  
百六十年

第一期

呂祖仙師題示

福澤未嘗取道行

星河自有洗船燈

天運丁卯年仲冬

蘇若愚

道氣千秋薰俗子  
仙風萬載化生靈

庚辰年中秋  
余義修  
  
書

有志願為天下雨

洒向蒼生作永春

庚辰年中秋 余義修



書

呂祖師尊序

夫道者一也。古今中外。貧賤富貴。莫不以神道聖教  
爲歸。散之爲理。則雖萬端。惟實終無二致也。  
晚近世途多艱。日用現前。戰端頻啓。擾攘繁興。斯道  
心式微。所導致也。  
義修衛道有志。集其心得之善者。公諸同道。以勵來  
茲。意云善矣。余嘗云。遇道不難。聞道難。聞道不  
難。行道難。但願聞道君子。同登大道。庶免浮沉塵  
海之苦也。  
辛亥拾月。  
回道。人於雲鶴山房。  
呂。

序 無名氏

夫人之爭。世之亂。其由未明本末。捨近圖遠。忘真  
慕假。執於人我。爭於色欲。爲名所羈。爲利所絆。  
輕於性命。重於財物。終必有如春蠶作繭自困。是故

歸根爲本。蓋返本還原。澈悟無生。則澄心遣欲。養性修身。則民不爭國無亂。是以慎終必慎始也。本人屢沾天恩師德。無以爲報。謹以聖賢仙佛之大道真言。降乩度世之寶筏津梁。以福星名義。廣傳於世。以期正人心醒痴迷。旨抱大同亦表寸心。但願同人近卷樂道。莫負師恩聖德。切實行持。勉人自勉。渡己渡人共赴慈航。同登覺岸焉。

序 簡公

自求多福 首立善基 福星高照 百事咸宜  
父母健在 兄弟怡怡 婦隨夫唱 白髮齊眉  
兒孫濟美 戲綵含飴 鄉黨稱譽 朋友信之  
潤身潤屋 壽享期頤 何以致此 積善可期  
力行忠孝 謹守禮儀 廉節是尚 孚信不欺  
義之所在 艱阻不辭 行仁修德 樂善好施  
皈依大道 敬奉修持 潛心典籍 刊印善書

度己度人。早悟玄機。  
世變日亟。異說紛紜。  
危機四伏。人傷陸沉。  
救世良藥。苦海明燈。  
守一二語。明哲保身。  
延年益壽。亦可超真。  
世有同好。願結善盟。  
多行善舉。福壽同增。

先以

王天君之訓示爲首。作爲衛道護法。其言亦爲立德修  
養心志之南針。

### 王天君訓示

讀書人。學以求用。用以致仕。任以安民。並非干祿。  
。修道之士。修其心性。並非爲我。先及於人。以我  
修得心性。深願其法。普及衆生。無我人相。得三藐  
三菩提。此之所謂悲天憫人。如其不然。祇是獨善其

身。殊非仙佛志願也。

### 太上老君訓示

玄門垂教久。欲度世間人。  
僅著五千字。玄法入紅塵。

### 呂祖師尊訓示

宏願從來不爲身。修行致力在同人。  
方寸靈台無雜念。佛仙超俗是能仁。  
一本救世之心。堅定慈悲之念。先以道德教化生民。  
假五常八德之理。挽頹風。移惡俗。本痼瘵在抱爲懷。  
。救拔羣生刼厄。庶幾正其已壞之人心。挽狂瀾之既  
倒。使道德再入於人心風俗之中。畧知吾道修行之義  
。而後徐徐引導。離苦海而渡慈航。化度納歸正軌。  
多行善業。以度人士信仰之心。取於中優秀之輩。說  
法談玄。然後普度之功。始能隨序漸進也。始有開彼  
入道有門之徑。有厚望焉。

呂祖師尊訓示

功德過程。修行狀況。必須自行檢點。自行勉勵。務須加緊增進。自求多福。方不至有負爲師之期望。不愧是我道中人。神而明之。無須多囑。

觀音大士訓示

我佛願度衆生。修持人亦應秉佛性。願度衆生。如有一點爲自己者。即非修持。亦無佛性。其修持之一念。只此而已。

呂祖師尊訓示

夫人之知識有涯。而學問無涯。以有涯之知識。而學無涯之學問。畢生亦爲學不盡。孔子曰。假我數年。五十以學易。可以無大過矣。聖人尚且恐其年不我與。望天年多假幾年。以盡其求學時光。仍曰可以無大過。其意即仍恐小差而不足也。今之學者。稍得半解

一知。便以爲高深滿足。無半點虛心。苟遇他非之不知明辯博學審問格致。以明其理。反而諸多強詞。斤斤然以主觀爲是。甚且悻悻然怒現於詞色。是人所學。有如井底之蛙。知見有限。年雖老至耄。學則止境。更無寸進矣。吾人求學切戒自滿。學到百年。猶當認爲未足。遇有高人。不耻下問。然後可以庶幾隨年齒。而學識增加也。凡我同人。欲求學之進境。必須好學。而不自足。務使自己所知所識日新。至無可限量爲要。

### 呂祖師尊訓示

語云。尊師重道。換言之尊其師長。必須以道爲重。以道爲重。方是尊師也。所謂道者何。在本身而言。則第一步必正心修身。勤於經懺。在行道弘法而言。則初步以爲善以爲本。博愛濟群。扶危拯困。無論其爲財爲力。必盡吾之所能。再推深一層功德。則宏道說法。普度衆生。捨此則何以爲道。用何而尊師。若

爲個人福利而叩拜殷勤。即令任何崇奉。亦非真正尊師。而且去道更遠矣。

### 文昌帝君示

文章道德。國粹源流。數千年開化民生。萬卷詩書。維持國本。乃令華國文章。風流典雅。近世士子。被夷學之侵淫。將國粹棄置。捨聖賢之學問而不顧。爲東西洋之文法是求。不知先通本國文章。旁求他邦典籍。方爲華國才人。否則。雖通英法德日文詞。盡失本來面目。對自己國家社會鄉黨之中。竟是一個文盲。辜負了爲中國之青年。殊堪嘆惜。其必中西兩通。方不致有慚數典忘祖之誚焉。

### 呂祖師尊訓示

嗚呼。世風日下。人事僥倖。大好青年。淪爲匪類。莘莘學子。性竟凶殘。無他。道德沉淪。驕奢渲染。家庭之基本教育既無。學校之道義栽培全缺。初時類

此者。不過少數。失學兒童。爲厲之階註一。日漸成風。蒼黃易染。真同時疫流行。蔓延整個社會。眼前已到無可救藥之時。挽既倒之狂瀾。不能不責在道德之士。宣傳八德。秉正人心。希冀頽風好轉。此種教化普施。誠非一時收效。日漸感化。尤需同道中人。合團體之力。遍地宣傳。逢人說法。假以時日。或者在後一代。可能明斯道義。換過良心。變其劣質。現我道教堂院在香港者。幾至無一角落無之。但查其宗旨。不過施藥施醫。遇有地方天災人禍。集資救濟之。便以爲善舉。或者法事功德。登壇超度。甚或誦經禮懺。自己修持。以爲功德完滿。弘道於四方。灌輸道德於群衆。廉恥禮義。孝悌忠信。五常八德。未嘗有肯切實協力齊施。蓋大仁大德。何可勝過教化生民。太上立德。其次立言。其次立功。是爲三不朽。如果我各道堂道院。若皆深明斯義。闔衆力以圖。則社會有幸。人群有幸。吾亦有幸望焉。

呂祖師尊訓示

佛道兩教。其名雖殊。而抱道一也。奈何當今之世。道德沉淪。風俗敗壞。如此人事乖違。貪妄淫邪。無所不用其極之叔世人心。欲其研求高深佛法。作出世飄然之想。盡貪嗔痴妄。五蘊全空。雖如何說法。善誘循循。恐未可令其頑石點頭。修此無生澈悟。惟我道教先作入世教化。假五常八德之理。挽頹風。移惡俗。本痼瘵在抱為懷。救拔羣生刼厄。庶幾正其已壞之人心。挽狂瀾之既倒。使道德再入於人心風俗之中。畧知吾道修行之義。而後徐徐引導。離苦海而渡慈航。始有開彼入道有門之徑。否則一旦便教以高深出世。作佛成仙。不但不可醒其迷惘。何殊對牛馬弄琴音。又惡乎可。今日聞道教聯歡。因此有感而畧示數行。願我道教同人。深明斯義。一本救世之心。堅定慈悲之念。先以道德教化生民。納歸正軌。多行善業。以廣人士信仰之心。取於中優秀之輩。說法談玄。然後普度之功。始能隨序漸進也。有厚望焉。

天運丙午年式月廿九日

呂祖師尊訓示

大道難聞信亦難  
祇原迷惘利名關  
五常八德能完了  
便要超然出世間  
弘道功夫有淺深  
重重分解逐求尋  
衆生大抵多愚昧  
善誘循循上道心  
一着之間即是魔  
蓬萊苦海隔無多  
茫茫歧路不容髮  
此中凡聖在心窩  
道中玄妙深如海  
未許一時悟得來  
智慧雖高猶苦練  
潛心修養始成材

呂祖師尊訓示

嗟夫衆生過去生中  
不知經幾世幾生  
。度千萬年日月  
。六道輪迴  
。三途八苦  
。始成今日今時  
之暫有衆生  
。奈何光陰逝水  
。短暫百年身世  
。真如水逝雲捲  
。風馳電掣  
。又是再世再生  
。此後不知經幾許  
千萬年月日  
。

六道輪迴。三途八苦。而爲來者。忽作古人。忽爲來者。忽是今吾。爲輪爲彈。與世往來。蟲臂鼠肝。隨天賦予。嗟乎衆生。世世生生。沈淪於娑婆苦海之間。何日何時。始出六道輪迴之外。亦可悲矣。然則悲過去已無及。傷來世又復何益。惟有願我衆生。趁汝等今世暫有之此身。未到無常之前。把握未老年光。及早覺悟玄機。修真悟道。打出無生之路。不入輪迴生死之中。大抵蓬萊極樂。我芸芸衆生。誰個不可赴渡慈航。認生兩境。無奈六賊常迷。利名自困。終未克脫離苦海。任由世世生生。循環輪轉。依然是苦海娑婆。深爲悲愍矣。道如未信未聞。難怪其昧昧。今我門下諸子。信道聞道之人。仍未修持念起。早作最後無生之計。真爲愚不可及也。

### 呂祖師尊訓示

君不見古來名將相。功高偉績多如夢。儘教芳垂竹帛。到底是虛名兒。留與世人稱頌。昔者是公侯第宅帝

王宮。堪嘆阿房劫火殘灰亦沒。空留日夕陽紅。眞  
悲痛。是色還空。人生一霎。年矢去匆匆。正笑他人  
壽夭終。那知自己殘生送。嬌妻美妾休誇福。村婦鳩  
盆一樣同。恩恩愛愛今生事。何曾來世猶相共。須悟  
到人間十事十成烟。忙忙碌碌終何用。覺悟者。早日  
修持。痴迷者。只待無常播弄。此篇雖是遊戲文章。  
已敲响了暮鼓晨鍾。警惕那人間迷懵。

### 呂祖師尊訓示

十年種良木。百歲植人材。道根亦有種。全憑修養來  
。人生似流水。冉冉何快哉。保命亦有法。養性可栽  
培。行功養本命。幸勿意徘徊。立功與立德。須要萬  
千回。善緣在世法。莫得道胚胎。胚胎成道果。此路  
上蓬萊。神仙亦人矣。堅修勿心灰。代代有眞出。處  
處有奇才。

### 呂祖師尊訓示

若將世法解重重。千鈞卸担始能通。  
有緣踏入清修地。千錘百練在於中。  
壽人藥世真仁者。久與爲師心事同。  
吸毒并無能療物。本人堅決乃成功。  
癌疾并非單一症。病源複雜實無窮。  
見症方能施治療。區區成藥效無從。  
測量汝力兼時際。猶未機緣恰可逢。  
任是此心如箭急。其奈于今未展弓。  
你我籌謀還有待。要知條件到圓融。

### 關聖帝君訓示

父子之親。兄弟之友。夫婦之愛。朋友之義。皆由具  
有真性情。古今忠臣孝子。亦是這一點真性情。得以  
成仁取義也。任是販夫走卒。如果具有真性情。必能  
肝胆同交。患難相助。而所謂士大夫者。相交以利。  
利盡交疏。名利所在。莫不互相傾軋。視販夫走卒之  
不如者。今日大不乏人也。殊爲可嘆。吾因爲一聯曰

。『看來世態金能語。說到人情劍欲鳴。』

### 呂祖師尊訓示

有緣幸結道侶。必具一片善心。善心如能穩定。自是獲福之人。天道福善禍淫。理之自然者也。若謂入道門。志在邀福利則不可。須知福不邀而可得。定可由心田得來。立功立德。福必無形自致。雖有業劫。亦能劫盡福臨。更須知福來有漸。若兒女日長成人。家庭無恙。自己身安。此即是福也。若必要如何富貴利達。則貪妄耳。或有小不如意。則怨懟叢生。有此情況者。更屬狂妄之徒。殊非修道之侶。總之福是自己修來。不是單憑身列道門。便可有僥倖之想也。

### 呂祖師尊訓示

修德能仁以種善根。而積成道果。正心修身之謂德。博濟人羣。愛惜萬物之謂仁。衷心行仁。毫無市恩。絕非謀利。亦非沽名。始之謂能仁。是故佛道能仁。

悲愍衆生。菩提普度。孜孜不倦。此真正能仁也。今  
吾訓弟子。先修其德。慈愛人物。德行自端。仁心待  
衆。因而佛道之真性。蓬蓬勃勃。與日俱生。入道之  
門。登道之徑。又何難證佛成仙。是修行之逐步功夫  
。始於立德行仁。捨此二者。修道無門。是欲修吾道  
。遠近皆無其徑矣。不是徒然禮懺誦經。行功修命。  
所能得道也。蓋功之能行。命之能修。完全是道德仁  
慈。培養得來。知是理者。應以德仁兩字。爲修道基  
本。基本既立。道根日深。其不證果成真。不可得矣  
。

### 呂祖師尊訓示

君子窮而見志。當難境而知操守。絕不爲利所動心。  
任何艱巨。只有在正義中振起精神。明知貪泉之水。  
當要渴極不沾唇。若謂救急於一時。試圖僥倖。以不  
得已以爲解嘲。此不得已三個字。誤盡道義根基。所  
以世人每當平心思過之際。未嘗不知道義。及其在艱

難困苦之中。則初志搖動。貪妄之念。又油然而生。未能堅定不惑矣。嗟夫道德守於暫則易。守於久則難。正途歧路。甚易走差。其間不能容髮也。

### 呂祖師尊訓示

正念爲修心之本。養氣爲見性工夫。所以一念之邪。則心君搖動。古來忠奸之別。僅在一念之間。文天祥不折不屈。不爲利誘。不受威迫。一念正氣。所以爲忠。洪承疇。其始何嘗不耿耿忠心。及後一念之差。爲色所惑。遽屈身而降異族。無他。正念不定矣。君子之與小人。正邪之念有別也。氣之一字。而能得其所養。自古雄豪。亦有未能。雲長公。忠義仁勇。千古第一人。竟以一氣之盛。孫權欲與聯婚。而盛氣曰。虎女不婚犬子。遂至孔明聯吳拒曹大計不成。國事前途。由是而失敗。所以養氣工夫。不獨修性修命。關係甚大。即吾人事業前途。成功與失敗。實有莫大之關鍵焉。



真者。不負師教。雖不乏人。何期近此六十年。與余緣締師生。又何止千千萬萬。求其專心向道。已是寥若晨星。獲果成真。更是鳳毛麟角。眼見彼等有玄門可入之緣。無得道修真之果。秋月春花。等閒度過。虛糜歲月。與草木同枯。大好人身。甘令埋歸黃土。靈魂渺渺。任從六道輪迴。不知既入道門。列名弟子。即如已入寶山。竟爾空手徒還。令余可嘆。亦復可惜。雖時時刻刻。苦口婆心。更兼時蒙諸多仙侶。密點導迷津。頑石尚可點頭。何以具足性靈之芸芸道侶。莫醒痴庸。使余普度宏願。不知何日慰願心於萬福一。蓬萊乃在心頭。極樂奔來眼底。人人可得。愚智皆能。只要看破萬緣。參修心性。倘爲居士之身。目下羈縻世法。亦可覺悟莫迷。鼎力了完責任。早離火宅牽纏。有妻子者。只須栽子女成人。萬不可再有戀留。思及孫曾之一代。否則。修行之日。杳杳無期。特示數言。俾我濟濟門人猛省耳。

呂祖師尊訓示

道之爲道。衆生難信。又復難聞。何也。夫道門易入。慕道難得其專。所謂專者何。修道之士。終始特立。獨行。不受利名之所惑。信道篤以自明。然後可云曰信。如斯人也。慕道而篤信矣。猶須邂逅真師。遇師非易。必有緣會之期。機緣會合。始得聞焉。然精誠感格。金石爲開。所謂難者。即不易耳。非盡無可能者也。

呂祖師尊訓示

利名得失竟何端。一枕黃梁夢亦寒。堪笑紛紜人世境。一生憂慮幾時寬。昔老杜云。『細推物理須行樂。何必浮名絆此身。』深得吾道之意。試思人生數十寒暑。前除幼年後除老。中間光景。能幾多時。倘以利祿功名擾攘不休。其苦况豈可爲外人道哉。乃世人偏貪務得。以致自苦形骸。寧不惜哉。吾以黃梁一夢。徹悟其理。諄諄以示

後學。其能由而覺悟者固多。執迷者仍衆。一旦踏入利市名場。乃入紛紜之境。其上焉者。取以濟衆。福蔭兒孫。下焉者。適足以濟其奸。遺害人羣。自植孽根。遂至憂患紛乘。自戕其生。禍延子孫。痛哉惜哉。我門弟子。萬不能作自了漢。事必應有移風易俗之責。揚善誅惡。樂善好施。寧敢後人。月中兩屆堂期。朔望之夜。余必蒞壇。爲諸生滔滔其詞而不倦者。亦爲是意耳。諸期勉之。

### 呂祖師尊訓示

萬里江山爲夢境。一切羣生是夢魂。人生十事十成夢。何曾一事乃真真。富貴利達。好夢耳。貧賤迤邐。惡夢焉。浮生百歲。已經難得之期頤。乃到了。無常相請。始覺大成空。看得破者。應忘世上利名。猛回頭。即見眼前彼岸。快悟無生。痴迷者。夢魂顛倒。生生世世。苦海浮沉。所以我黃梁一夢。覺今是前非。一切利名。覺來皆

歸夢幻。故痴迷與覺悟。只是空與難空而已。飛昇與沉淪。亦是此一念之間。成佛成仙。不外空之一字也。

### 呂祖師尊訓示

娑婆夢境也。衆生夢魂也。莊周夢蝴蝶。蝴蝶亦復夢莊周。夢蕉覆鹿夢也。鄰人得鹿。亦何嘗非夢哉。今夫圖王定霸。黷武窮兵。爭城爭地。其真也耶。夢而已矣。名疆利鎖。鎮日碌碌忙忙。當其撒手人寰。得勿悟到浮生若夢。溯余當日一覺邯鄲。黃梁夢醒。一悟而知一切有爲法。儼同一夢。富貴利達。貧苦辛勞。均同夢境。無非好夢惡夢耳。奈百年身世。轉瞬如烟。余由是隱洞潛修。故號曰洞賓也。但願我衆生。早日參透此渺茫夢境。一覺而悟到無生。投我仙鄉。早離苦海。惟是你輩。既未能先悟玄機。受六賊之所迷。愚昧而致罹身火宅。娶妻生子。爲世法所羈纏。而五常之義。不得不負責了緣。蓋招之使來。無理揮

之使去。若果中途捨去。情義乖違。不特不能悟道成真。且實爲明教罪人。必也。了清世法。得到可能出世之時。一悟一覺之間。絕不戀留。買山修養。至於玄機妙奧。亦從此一悟通靈。爲師亦當盡我師徒之份。示爾玄機。吾門弟子。果有如斯者。實深厚望焉。

### 呂祖師尊訓示

坦蕩心懷。道可通。他年閔苑喜相逢。凡河塵網誰能免。寶筏津梁萬里風。世人戚戚於名利。致爲塵網所羈。難於自拔。稍有拂逆。則鬱於懷。悲痛無已。豈知世間一切。原同光幻。瞬息之間。已如風逝。富貴榮華。何曾共入九泉業。其一世而已。設其子孫賢孝。尚或秉承祖訓。廣行善孰若及身修省。以義以德。坦蕩襟懷。道德圓功。廣種善果。不爲世網羈縻。則他日閔苑相逢。同邀天祿。長爲大羅仙侶。豈不善哉。或謂師誑我乎。余無戲。

言。願衆徒猛醒。同登彼岸。是所切盼也。

### 呂祖師尊訓示

禮佛心念

逢塔繞塔。遇佛禮佛。是修持人應爲之事。但此心此意。仍爲衆生。非爲我也。記余未成道時。曾一次秋遊西湖。靈隱禮佛吟詩云。『幾樹篁陰一徑通。紆迴斜過小橋東。西湖水際蘆飛白。靈隱秋深葉綻紅。俯仰神馳林壑外。低徊人在夕陽中。登爲問空王法。乞借楊枝洒大同。』觀念均在衆生。毫無爲着自己之要求。祈福以利其身。固屬大違佛法。希望得到佛緣。亦是着相。若懷菩提心而禮佛。方是悲天憫人之旨。不期然而然。自有佛之護念也。

### 呂祖師尊訓示

傲骨嶙峋傲氣銷

可饒人處便相饒

人生第一養心法

莫教閒氣湧如潮

靜坐尋思過去事  
是功是過問良心  
無誇功德過應改  
如此爲人自愛深  
拜佛參神意若何  
所求之事那般多  
自私自利求神助  
未得神扶反着魔  
惡根勿種善根培  
因因果果有循回  
見善不爲皆惡意  
心無善念惡之媒

呂祖師尊訓示

個個皆能大道行  
凡心一念一魔生  
無端昧却真如性  
顛倒浮生祇利名  
惱怒之間失性靈  
皆緣爐火未純青  
試將閒氣修閒靜  
猶如狂醉轉爲醒  
如何誦那經和懺  
須要聲聲出自心  
一心繫念經中旨  
幸勿無心信口吟  
誰人肯在死前閒  
碌碌勞勞苦苦艱  
利鎖名疆羅網內  
無常一到悔時難

呂祖師尊訓示

過去生中生個我。如何今又在紅塵。  
只因前世修持少。獲些善果幸爲人。  
即使不遭貧賤命。一世長爲富貴身。  
貴賤皆難離八苦。百年身後又迴輪。  
世生無了日。悲歡離合總艱辛。  
勸君早悟無生理。修行志切定前因。  
明心不復沾泥絮。蓬萊極樂任棲神。

呂祖師尊訓示

心不爲形役。天君泰然。在世人生之最好延年益壽方。  
。讀書志慕聖賢。不是取功名求仕。進仕非求祿。藉  
以救民。得失不足以縈懷。是非豈無公論。力崇明德  
。寶貴景光。戒除淫蕩之嬉遊。要造惠人之功德。修  
持有序。應具一定恒心。眠食有時。莫因歡娛而誤晷  
。齊家在和靄。和靄可以生祥。教子龐應以仁慈。仁  
慈定知孝友。社交勿爭閒氣。處世必順人情。立身行

己。抱道行藏。凡此種種。皆為修道之奠基。否則持經禮懺。跌坐參玄。亦徒然作形形式式。不能得到半點歸真之奧理也。自古佛佛仙仙。誰非先了造人之道。一朝擺脫。從此飛昇。

### 呂祖師尊訓示

吾道則曰修心養性。我佛又曰明心見性。蓋心無塵滓。然後可以養其性靈。能修到我心定靜。寂滅境界。真性自然妄動全消。即俗所謂心平氣不浮。無所住而生其心。金剛經之旨義。即此一句。換言之明心然後見性也。由是觀之。無論修道修佛。皆要先修此心。即孔子之道。大學之理。亦曰修身而後家齊。而後國治。方能平天下。心乃身之君也。又曰哀莫大於心死。身死次之。可見儒釋道三教聖人。莫不言心法。吾人良心發現。天性自然而生。不孝兇殘。亦是良心昧盡。有時良心偶發。未嘗不知所為過錯。是以正心修身。此生此世。必無大過矣。三教言心之大概。乃如

此也。

### 呂祖師尊訓示

吾不惜以逍遙自在之身。恒常奔走人寰。用廣長舌相。向諸衆生弘道。無如稍知道味者。寥若晨星。豈衆生皆爲愚昧耶。抑吾說法之未盡週詳耶。大抵人欲過於迷惘。將其真性泯滅。知有其道而不求。既有所聞。又復輕輕放過。將天賦之智慧聰明。用於聲色貨利之間。六塵沾染日深。完全埋沒真如本性。所以成道者日難。有等則曰我一凡人耳。何能作佛成仙。更曰福如此修行。便可輕易飛昇耶。此種自卑之感。不殊自甘暴棄。試思歷代悟道成真。何者非凡人正果哉。大道有岸能登。不患其道之無成。患其心之不堅耳。大

『深望同修莫負師慈婆心 無名氏』

### 呂祖師尊訓示

紛紛名利逐洋場  
到底紅桃代李僵

任是腰纏千萬貫。誰能免入奈何鄉。  
。島人熱中名利。喧攘無已。以至動蕩不安。孟子云。  
。『上下交征利。而國危矣。』處動亂之世。得失愈  
覺無常。昨日淪為乞丐。今日廁身富貴場中。豈乏其  
人。然不足以為喜也。適增其罪孽而已。若能知所修  
持。廣濟衆生。當能善享。凡人以無厭之求。聲色犬  
馬。偽善求名者衆矣。又焉得善其終乎。須知道有可  
來當可復。循環之理云然。到底是大夢覺來。已非已  
身所有。又何所戀乎。故余常勉諸弟子者。以淡泊寧  
靜為訓。或問曰。吾有仰事俯畜之責。非利不行。焉福  
能空言。一日不能缺乏也。試思天地曾使爾飢寒一日  
乎。然世事不如意者。十常八九。奮發圖強之心當有  
。倖至之心應無。盡一分力造一分事。天道無虧。終  
見泉石優遊。復我本來面目。無復粉墨人間。自欺欺  
人之苦况矣。

呂祖師尊訓示

因果報還。天道不苟。作惡貪殘。彼蒼者天。已定刑罰。有遲早耳。不必假慈悲之手。壞我好生之心。任其自作自受。罪貫滿時。必受相當慘報。編者註：此篇是誥誡欺詐世人假神妄爲者之短文。

### 呂祖師尊訓示

修道人士。可以畢生不求利達。聽緣會之自然。不可。以一日不爭取年壽加長。任天數之主宰。故修道之要訣。是必以性命同修。修性功夫。固可以修真成聖。但斷不是短暫行功。必須長久苦心毅力。自養性靈。奪天道之秘。鞏固修道在世之幻軀。不然。則道未成。而身先萎蛻。所以修持。每每不能修命。卒不竟其功。殊可惜而可嘆也。修性功夫難。修命功夫夫人皆可造。『淡名利。以免心役於形。平意氣。不致怒火焚身。』而兩者可能。則精氣神全。康強泰健。壽命自可延長。修性功夫。可以隨日漸進。修性不是簡易之功。全憑道力深厚。慧覺參悟。大智者。當要所需時間。

。根因稍薄者。非數十年之苦功。未能參其一微。故修道要爭長壽命。方獲參悟時間。若修命無功。枉參性學。事實具在。修命上述兩點。宜留意養成之。功在平日。不是偶然。行功保壽。不可缺也。

### 呂祖師尊訓示

沉默寡言。不輕笑謔。乃平居養氣一份功夫。君子當謀百世之津樑。求衆生之寶筏。方爲救世之本。應向有緣說法。知道者灌輸。互相裨益。彼此參悟真玄。但。又當知好高人妒。過潔世嫌。與流俗談禪。未必迅即得其猛省。故本師亦每於投其所好中。逐層開導。知其斤斤然福利爲懷。必勸其多行善舉。乃邀天祿。爲修道培道之根基。大祇衆生心相。未克點化於一時。急急令其超然大覺大悟。雖舌燦蓮花。何能感於一朝。所以仙佛。對愚夫愚婦。求漸漸開導。層層教化。使其久久知到味道。返回真如本性。携他們彼岸同登而已。惟。如果既聞道法。則不能從俗浮沉。與時俯

仰。以通其狂惑矣。

呂祖師尊訓示

道根深固者。聞道即悟。縱使經過一度痴迷。如遇法緣。亦時警悟。如夢初醒。如果根因淺薄。聞道未必知道。普度功夫。不知費幾許唇舌。如能與以三成教導。而七成自悟。則可以修上乘禪功。所以修道人以有悟性為最上。

呂祖師尊訓示

莫動無端氣。清心養性靈。且看爐內火。煅煉漸純青。細參四句偈。見性便心明。

呂祖師尊訓示

朝山覲佛。掃塔締緣。為居士身。虔心許願。脫離利心。秉清淨念。超出儕眾。獲佛示見。僅一瞬息。大士出現。敬動慈悲。靈祐己顯。

秉正信心 運途好轉 得地利人  
爲修終點 努力用心 願毋中變

### 呂祖師尊訓示

溯當年。吾師常訓於純陽曰。『既覺之時君自度。未覺之前我度君。』道之爲道。全憑一覺功夫。但此一覺一迷之間。皆由自力修來。憑師之指導。無非規矩準繩。其中奧妙機竅。仍須自力與慧悟。不能盡賴師聖。一切前途。當自力自謀。方是人生第一要旨矣。

### 呂祖師尊訓示

修道人當世法中 暫時利祿未能空  
仰事父母畜妻子 此責何辭義不容  
有道生財廉潔用 自然積聚一家豐  
倘有餘資莫奢使 最好留回造善功  
仙佛能仁修正果 世人慈善挽頽風  
善根可種道根穩 更能業劫解重重

五倫八德此生盡卸責潛修又不同  
此時此際皆空了名利皆空一悟通  
莫再流連羈火它修夠三乘達頂峯  
神仙原是凡間子修不成仙乃俗庸  
一覺之間關鍵在乍醒重迷冥路逢  
飛昇淪墜一間耳因緣勿令去匆匆

### 桃源功德佛訓示

孽海茫茫回首岸原來方寸是靈山  
勿教旭日沉西去蓬萊有路尚漫漫  
一覺夢回未算遲紅塵碌碌欲何之  
從今不少貪泉水留得冰心見乃師

### 呂祖師尊訓示

世事翻如萬緒紛人情抒卷似春雲  
百年一瞬成今昔性命能修識此身  
烽烟處處。遍野哀鴻。國際風雲瞬息萬變。益見爾

虞我詐。塗炭生靈。良可慨也。然非有禍亂。未解承平之可貴。是以息戰之聲。高唱入雲。足見人心思漢。動極思靜。道根漸萌。誠爲人類之福也。可奈災星未沉。何能息爭於一旦。此消長之數。理律循環。未。能或免。物極乃反。否極泰來。將見別有人間天地。方見天道云然。前期所示。當有所悟。輜銖是求者。則雖有鄧氏之銅山。終成餓殍。諸生徧處海隅。時有被捲入漩渦之危。必須常自惕勵。方能常安。不爲魔障所侵。百年寒暑。彈指已過。復何所爭乎。昔老杜星云。『細推物理須行樂。何必浮名絆此身。』深得大道之秘乎。鑑古知今。信有徵矣。

### 呂祖仙師訓示

翩翩羣鶴舞雲端。香篆壇前繞道門。  
下望塵寰仍刦厲。常清常靜覺心寬。  
世事紛紜。刦氣干霄。仙佛憫其沈淪。奔走雲端。冀拯愚頑於水火。無奈孽重難返。以致殺人盈野。生民

日窘。笙歌之地。實已淪爲地獄。幾許歡笑強顏自抑。豈屬真情。君不見華堂碩賈千金擲。暗裏張羅涓滴苦。君不見貧民窟裏凝血淚。賣兒鬻女爲餬口。靜中試問今何世。從來有患在有身。人生飽暖更苛求。着了一貪難離苦。功名利祿若淡然。富貴於我如塵土。但求難得不飢寒。粗衣淡飯蓬萊境。石崇富有枉爲人。一己之外功何有。富貴何曾到九泉。吾門弟子。宿慧根深。涉世閱歷。鑑古知今。來者亦當如是。何如精研至道。常樂清靜。他日果證蓬萊。當證余言之不誑矣。

福星第一期

### 呂祖仙師訓示

香江今日尚新潮。太息羣生道味消。因果若隨形與影。紛紛飛絮悵明朝。治亂從來本自招。徒薪曲突笑前朝。亡羊豈是牢難補。世事滄桑孰可饒。邇來舉世倡亂。血流遍野。仙佛慈悲。屢冀力挽狂瀾。

第39頁

。無奈因果之報難爽。未起柔魂。至不能免。諸生靜觀。自得趨避之方。不虞鞦韆也。

### 劉雙卿仙姑訓示

論至道。務因果。以古證今。猶今之所受。俱前所種之因也。律豈能逃。發善心。修善因。除妄去邪。漸贖前愆。故昔有立地成佛之訓。勉之。

### 南海觀世音菩薩訓示

層層地獄幾時空。現更羈囚重叠重。私懷憎恨良知喪。相殘同類日行兇。既作比丘修淨業。如何權利又爭雄。以火自焚緣底事。政治漩渦捲入中。六道輪迴無日已。三途八苦無窮。菩提心事徒悲愍。茫茫苦海救無從。果果因因由自種。善惡之間本寸衷。但願善男與信女。德行勤修積點功。

及早回頭猶有岸  
慈航有路豈難通  
痴迷莫醒貪權利  
無常一到入牢籠

### 呂祖仙師訓示

履道行仁災妄無  
逍遙塵海異凡夫  
浮華若識元歸幻  
心在蓬瀛德不孤  
方今世道澆漓  
背道日遠  
災妄踵至  
惟切依吾訓者  
。素位而行  
。悉除奢慾  
。心明性見  
。不爲魔障所乘  
。則  
溫飽自適  
。樂天安命  
。天祐吉人  
。乃得逍遙自若  
。雖  
雖粗衣淡飯  
。胸中樂境  
。實逾王侯  
。古往今來  
。雖能  
不死  
。世上浮華  
。瞬息飄逝  
。赤手來時空手去  
。富貴  
未得入黃泉  
。故志士必研至道  
。不鳴不息  
。不生不滅  
。乃至與天地長存  
。是爲仙矣  
。其勉之乎  
。

### 呂祖師尊訓示

春花紅紫遍  
占盡是寒梅  
任由魔百萬  
不許入靈台

耳聞與目見  
處處是魔侵  
關心在微妙  
一切是烟雲

### 濟公聖佛訓示

學仙學佛應從何處入。先起菩提心。志在向衆生超拔。昔年回入娑婆。遊戲人間非少日。到處點迷津。此心此願難償得。未曾遇我有緣人。空泛慈航。可憐普渡事無成實。貧僧此志未曾消。還看誰個真是有緣人。物。

### 黃赤松仙師訓示

善男信女萬千千  
問道阿誰肯結緣  
嗇色園林人似鯽  
只知財福太堪憐

又

善果未修求道果  
真如水月鏡中花  
如余仙去千年外  
也亦時時保萬家

李鐵拐仙師訓示

芒鞋遊遍世三千 一杖縱橫不記年

抱道堂中誰抱道 金丹儲備向誰傳

張子房仙師訓示

一切有爲皆幻影 功名偉業總成烟

圖王定霸空如夢 基業何嘗到萬年

濟佛訓示

腳踏破芒鞋。搖曳蒲葵扇。雪泥鴻爪遍三千。隨時普

渡償宏願。似醉又如顛。點醒痴迷覺岸回頭轉。寶筏

慈航撐定候。來來來搭我船。人生同轉瞬。娑婆苦海

。如何值得久流連。

呂祖師尊訓示

濟佛之言警聵聾 真如暮鼓與晨鐘

此身此世不修道 一失機緣難再逢

太乙真人仙師訓示

無邊苦境是娑婆  
歡樂少時煩惱多  
太息衆生迷未醒  
修行何事尚蹉跎

李鐵拐仙師訓示

一葫一拐遍三千  
空有婆心未遇緣  
借問一般名利客  
慈航誰肯赴余船

曹仙師訓示

偶然註鶴爪留鴻  
試問伊誰道味濃  
抱志修持應問法  
因緣福德最難逢

廣成仙師訓示

如何知彼岸  
大道可能尋  
大道何方覓  
原來在寸心

雲中子仙師訓示

莫謂蓬萊遠 即在汝心頭

莫爲六賊閉 便可此間求

李鐵拐仙師訓示

策拐走三千 一心會有緣

葫蘆儲妙藥 誰肯學修仙

曹仙師訓示

敲起檀板聲 聲警迷者醒

醒覺紅塵夢 夢裏轉清靈

張三峰祖師訓示

菩提兩字意如何 力能自度人多

修成道果因何事 欲引群生出劫魔

黃赤松師尊訓示

擺脫五行中心離六欲濛  
性心修澈底玄妙即時通

何仙姑訓示

今夜月圓好  
明宵缺奈何  
盈虛消長理  
能悟悟玄多

廣成仙師訓示

丹字是日月  
陰陽有道機  
修行調水火  
取坎以填離

太乙真人仙師訓示

何是長生術  
無非一切空  
七情與六欲  
無一在心中

雲中子仙師訓示

大道是何事  
憐愛衆生先

度人無止境  
仙佛也依然

觀音大士訓示

我佛阿彌陀  
願度衆生多

若人生佛念  
結果脫娑婆

極樂非遙遠  
即在汝心窩

正念即見佛  
邪念始生魔

鍾離太師訓示

明鏡臺前易染塵  
常將道義自磨新

智珠慧劍雙爲用  
朗朗襟期更絕倫

劉雙卿仙姑訓示

得失從來本有因  
因緣際會覺如神

神扶喜獲黃金雨  
雨露何曾活斷根

根深豈懼經年旱  
旱遇甘霖更可珍

珍重前因宜奮省  
省身自覺勝旁人

太上道祖訓示

道德經文字五千  
個中微妙有心傳  
度盡真人千百萬  
時刻還求遇有緣  
素王問道求玄妙  
彼此心通在昔年  
三教哲人同抱一  
普天朗朗一嬋娟  
道道行來皆有軌  
問雖智慧達邊沿  
此在靈台心一寸  
其間代代出神仙  
九九玄功何處練  
不在師傅在自然  
何處蓬萊棲止地  
仍須先向片心田  
掃除六賊諸魔障  
無生妙理奪于天  
不入五行離造化  
不受循環數數牽

鍾離太祖訓示

大道有真傳  
經言著五千  
慧心知奧妙  
立地可登仙

呂祖師尊訓示

一經度盡古今仙

修道如何不細研

把卷如余先受益

黃梁夢覺想當年

張三峰祖師訓示

透悟經文字五千

回頭一覺是神仙

當時得讀緣非淺

得無我幸有前緣

廣成子仙師訓示

吾初聞要道

道德經中求

成就金身在

已閱數千秋

韓湘子仙師訓示

黃庭歌道通神

一了百當出凡塵

認得當年無色相

煉就金剛不壞身

至聖至神三毒滅

沒災沒難四時春

此法無難真簡易

奈何世上少知音

黃庭歌 道無狀 無狀之狀真無樣  
寂然不動感而通 敲之則應靜中亮  
收來送入太虛爐 煉成一條混沌杖  
真法還須教外傳 無功少行難想望

### 桃源功德佛訓示

師恩山岳重 豈是偶然逢  
不少仙光照 災厄解重重  
何以爲師報 行德始爲功  
過去當如夢 自今應省躬  
數言贈吾子 暮鼓響晨鍾

### 呂祖師訓示

談玄說偈。非具大智慧。曷參奧妙精微。况吾門桃李。  
。胥爲世法之人。必要透通內典。妙悟三乘。是使其  
挾泰山而超北海。實有不能也。弟既入道門。自當問  
道。平居無事。對於經卷道書。猶應勤覽。如其國學

根底較淺者。對一切經書難於了解。對本師堂訓。擇其於講道有關之文。多所閱讀。則終身裨益。實非淺鮮也。如果對歷年堂訓。一覽置之。在諸子既無心得。更未免辜負爲師之訓誨。使余徒費唇舌。操觚爲多事耳。

### 呂祖師訓示

世間上每一個人。莫不欲邀求厚福。與及解劫消災。但福不可以妄求。災劫係有其因素。所以福之由來。必是積德累功。然後可至。福之厚薄。實緣功德大小而定之也。當此萬方多難之秋。更應積德增祥。多行善舉。時具善心。即使天災橫禍。猶得天相吉人。身安家樂。永無罹難矣。凡諸善信。均要勿昧良知。勿謂造化無主宰也。

### 陳泥丸真君訓示 (抄自道藏)

學道須知內參訪

若夫學道高賢。希仙烈士。既慕全真大教。須知性命  
雙修。若不參訪明師。豈得天機妙訣。跳出樊籠。拋  
離火坑。除情割愛。捨妄歸真。黃冠鶴氅。爲太上之  
門人。羽扇芒鞋。作東華之弟子。操持戒行。磨煉身  
心。覩諸邪道。如覩冤仇。避諸愛慾。如避水火。殮  
風宿雨。滅富貴之凡心。戴月披星。絕奢華之妄念。  
簞瓢隻筮。不辭萬里之遙。野鶴孤雲。惟尋一心之樂。  
。安貧而積德。知命以待時。琢磨塵垢。修養性天。  
至或訪名山而掛搭。或投洞府以安丹。或進鉢堂而說  
法。或入叢林以訪友。須知忍辱藏垢。切要謹言慎行  
。心存柔遜。志戒剛強。勿生是非之見。宜忘物我之  
心。絕巧棄智。爲立德始基。含光守虛。乃進道根本  
。動靜施爲。遵五祖之儀範。以約束行住坐臥。依七  
真之規矩。以修持所閱。丹經道德陰符龍虎。欲聞玄  
妙悟真。千金參同至要。於三皇玉訣。至顯於青華秘  
文。規中指南篇。字減而言徹。黃庭內經。註理真而  
竅明。南華逍遙。文深而義奧。覽之道味無窮。皇經

。清靜。性見而心明。觀之道蘊易悟。博學審問。苦  
志殷勤。求道若軒轅之走膝。問禮如仲尼之虛衷。不  
憚進履之謙。休惜斷臂之痛。自感明師指教。必得至  
人之真傳。引證性命之宗。而搜尋根蒂。深窮生死之  
旨。以明辨本來。盟天方談。魁斗歃血。乃示台罡。  
要知大道當究一炁二儀三才四象五行六合七政八卦九  
宮十極。須言言而省悟。欲知丹法。必曉十轉九還。  
八關七返。六通五明。四門三元。二弦一竅。宜字字  
以參詳。採陰陽昇降於園中。審水火返還於身內。知  
止方明造化。誠意始覺妙音。守真抱一。對境忘情。  
湛然萬緣不染。自然一旦貫通。性天瑩徹。實際圓明。  
。期印一襟之朗月。堪舞兩袖之清風。或擇洞天而入  
室。或選福地以閉關。預交雲朋霞友。以爲道伴。次  
結草舍茅菴。以作丹房。調琴理性。飛劍降魔。驅龍  
伏虎。則會合風雲。捉兔擒烏。以交接鉛汞。轉地軸  
則復通乾谷。撥天關則姤退坤宮。鼓巽風而煅煉。運  
離火以烹煎。加減進退之有時。溫養沐浴之無錯。太

乙壺中滿。飲長生之酒。黃庭宮內。永結不老之丹。  
停工罷戰。混俗和光。或隱塵寰以積行。或棲市廛以  
累功。德滿人間。名題天上。靜待玉京之詔。早謁金  
闕之尊。宴賜蟠桃。勅遊閬苑。凡屬皆超於極樂。仙  
友共上蓬壺。此清修之結果。即大成之標榜也。茲外  
或有纔離俗網。乍入玄門。未滌已往之愆。懸想將來  
之福。或根鈍智淺。豈究天機之妙訣。或孽深德薄。  
難逢聖道之明師。性隨物轉。意被情纏。致使一心着  
於二念。三毒擾於四非。因其五蘊不空。故爾六賊難  
伏。七情牽動。八識分攻。九竅之邪。永干於真境。慧  
光不耀。聖智難明。靈機因此而閉塞。妄欲由此而疊  
生。斯無神氣之凝。烏有返還之妙。正所謂心不修。  
而功不大。天神難祐。行不廣而心不死。仙道難成。  
學者莫負清靜之虛名。休執無爲之假相。雖草衣木食  
。徒自苦體勞形。若頑坐存思。必着於魔境。但妄行  
搬運。定結於幻丹。恐致思中生害。須防有始無終。

叮嚀學者。微細參詳。勿錯修持。須尋正道。勇猛精進。宜遵九節之功。奮勉修行。漸進三乘之路。合身心而兼養。並內外以交修。靜則窮理盡性。動則積行累功。須行時時之方便。務存種種之慈悲。拔苦濟幽。葛仙翁。由是以成道。扶災施藥。薩真君因此而登仙。除害蕩邪。許旌陽功完而拔宅。佑民祝國。陶弘景行滿以飛昇。歷古成仙。悉從苦行而超越。迄今末學。豈離積德以成真。勦除障寃。即生定慧。常含默。默之光。每存綿綿之息。則善芽增長於三田。而靈根培植於寸地。此漸修之法門。即上乘之階級也。要知福漸進雖有二途。至道皆原一本。凡慕道英賢。矢智參訪。俱當體此。前修。庶不溺於傍門左道。故識斯論。以照昏衢。堪為修真實鑑。辨道靈梯。乃參訪之關憑。亦雲遊之路引。進我教者。執為符卷。誠云。纖毫失度。即照暗黑之愆。頃霎邪言。必犯禁空之醜。天神耳目。咫尺非遙。克告行人。自當覺察。倘言行無愧。陰德週隆。自有神仙作汝師。至此何憂身不度。

呂祖仙師訓示（抄自道本）

全真妙理

所謂全真者。純真不假之意也。人誰無真心。一轉便非了。人誰無真意。一雜便亡了。人雖無真情。一偏便差了。初心為真。變幻即為假心。始意為真。計較即為假意。至情為真。乖戾即為假情。所謂初心者。即固有之心也。所謂始意者。即朕兆之意也。所謂至情者。即本性之情也。心中有真意真情。情中方見真心真意。由真心發而為真意。由真意發而為真情。是情即自然景象。無時非天機之呈露。然則人可不真哉。人不真心。即無真意。無真意即無真情。嘗見修道之士。動則私念迭起。念之私即心不真處。靜則欲念相循。念在欲即心不真處。私欲不絕。發或全無真意。或半真半假。即半真半假之際。正天人相乘之時。是意也。情所不能掩也。驗真道先驗真情。驗真情即可知心真與未真。知意真與未真。故修真之道。必以

意始。意誠心亦誠。即心所發之情亦誠矣。誠斯真也。  
。誠若不真。見之於言。則言不由衷。非真言也。見  
之於行。則行不率性。非真行也。修之者。修去心外  
之心。意外之意。情外之情。當於舉念發言時。提起  
天良。放下人心。不許疑二其心。混雜其意。誤用其  
意。方為真心真意真情。一毫不假。即是真道。真道  
偏行。故謂之全真也。登真之徑。入妙之門。願人能悟  
。此乃修真妙訣。登真之徑。入妙之門。願人能悟  
。共進真境。

呂祖仙師道德真經

天運初來。與人同得。此之謂道。與人同有。  
此之謂德。動靜有時。彷彿空虛。有身之始。  
愚聖無分。情慾所羈。多遭疾苦。力能超鼎。  
安免輪迴。智可全軍。焉能自全。功名香餌。  
人何爭吞。妄想如絲。徒勞何益。在在可悟。  
他心自迷。為昌為殃。皆所自肇。能動不久。

能銳易折。守其真神。毋損毋尅。衆靈初成。  
先通至性。因無思慮。所以悠悠。人手最毒。  
遭之不留。他在宇宙。與人何尤。誰不愛生。  
視之獨輕。此在他物。或謂無關。人之一身。  
何甘自戕。身雖爲累。實道之基。此基一失。  
復墜輪迴。清靜自如。不貪不痴。以心思身。  
以身思情。何以何沉。靜中一念。爲善爲兇。  
防禦功深。惡念自消。打空塵慾。守定清真。  
形如枯木。心若寒灰。總皆棄物。烏用躊躇。  
道非幽異。幽異非道。德不自知。自知非德。  
太上虛心。光明如月。普照無窮。究竟無物。  
有物即暗。如雲掩月。雲過月明。原無纖塵。  
草色花光。隱隱動人。花草無心。人自爲動。  
心何不在。獨在萬慮。勉力驅除。若防寇然。  
電光易過。見者目眩。當今之人。亦復如斯。  
利味何飴。道道何淡。淡則常存。適意悅耳。  
如木之蠹。道道無窮。如月在空。深澗細流。

悠悠千古。野鶴孤松。神仙所契。性靜心潔。  
不近華靡。覺后易惑。况其未覺。既覺何惑。  
心慧機多。恃其聰明。好為辯折。鋒舌所觸。  
造孽最深。守吾定默。凝吾真神。若愚若屈。  
功不易居。居之無益。還我本來。穆然無懷。  
鏡之對人。人自為現。鏡本無心。妍醜畢現。  
完全不虧。有如圓月。究竟非久。一室相聚。  
終日必散。四大非無。百動從心。心能不動。  
四大亦空。曠然無礙。魔亦自遠。一著貪痴。  
萬魔已圍。此時欲破。恐已無期。勿謂偶過。  
正罪之基。所起一念。善惡自知。人何昧昧。  
謗道曰非。大道盡此。敬修奉持。——終——

此經乃  
呂祖仙師度人真經之一。修德進道之真徑。切實奉持。  
。證道可期。。

太上清靜經

老君曰。大道無形。生育天地。大道無情。運行日月。  
。大道無名。長養萬物。吾不知其名。強名曰道。夫  
道者。有清有濁。有動有靜。天清地濁。天動地靜。  
男清女濁。男動女靜。降本流末而生萬物。清者濁之  
源。動者靜之基。人能常清靜。天地悉皆歸。夫人神  
好清。而心擾之。人心好靜。而慾牽之。常能遣其慾  
而心自靜。澄其心而神自清。自然六慾不生。三毒消  
滅。所以不能者。爲心未澄。慾未遣也。能遣之者。  
內觀其心。心無其心。外觀其形。形無其形。遠觀其  
物。物無其物。三者既悟。惟見於空。觀空亦空。空福  
無所空。所空既無。無亦無。無既無。湛然常寂。  
。寂無所寂。慾豈能生。慾既不生。即是真靜。真常  
應物。真常得性。常應常靜。常清靜矣。如此清靜。  
漸入真道。既入真道。名爲得道。雖名得道。實無所  
得。爲化衆生。名爲得道。能悟之者。可傳聖道。  
老君曰。上士無爭。下士好爭。上德不德。下德執德。  
。執着之者。不明道德。衆生所以不得真道者。爲有妄

心。既有妄心。即驚其神。既驚其神。即着萬物。即着萬物。即生貪求。既生貪求。即是煩惱。煩惱妄想。憂苦身心。便遭濁辱。流浪生死。常沉苦海。永失真道。真常之道。悟者自得。得悟道者。常清靜矣。仙人葛翁曰。吾得真道。曾誦此經萬遍。此經是人所習。不傳下士。吾昔受之於東華帝君。東華帝君受之於金闕帝君。金闕帝君受之於西王母。西王母皆口口相傳。不記文字。吾今於世。書而錄之。上士悟之。長年。遊行三界。昇入金門。下士得之。在世左玄真人曰。學道之士。持誦此經者。即得十天善神擁護其身。然後玉符保神。金液鍊形。形神俱妙。與道合真。正一真人曰。人家有此經。悟解之者。災障不干。衆聖護門。神昇上界。朝拜高真。功滿德就。相感帝君。誦持不退。身騰紫雲。太上說常。清靜經終。

此經廣言天地人之道。亦是修心養性。明心見性之玉訣。修真進道之路徑。誦之無間。災難離身。能悟能行。登真證道可期矣。

### 呂祖師訓示

吾輩所謂修行。修行兩字。作何解釋。修者整理也。行者實踐也。心之不淨而去其塵垢。使之清淨無爲。日常作事。是否正當。或有品行不端。又從而整理。務要修德行仁。但既須要整頓心境。端正言行。不是徒然知到如此便了。定必要實踐力行。若能如是。修道之道。庶幾乎可矣。

### 白玉蟾仙師訓示

玉蟾自幼好讀詩書。心明孔孟。看破世途。蓋烟霞之志生焉。富貴浮雲耳。從茲遊山水。玩江山。單行獨飲。心叩雲扉。振髮舒肩。飄然自在。慕世者未可領會也。是故智者當有機會放下俗務之時。應多參經典

。漸入斯道。求永生之身。不枉吾師一番憫念也。

呂祖師尊題示

嗟彼濁世境 紛紜實可哀

願我邯鄲客 喚得道心回

第一期至此終結

傳之者功 印之者德  
行之者昌 證之者壽

太上玄君極功之道 作為福星編後言  
天下難事必作於易

如蒙索閱  
倘承翻印

當即奉贈  
更表歡近